



KRIZNI PLAN RADA

JAVNE USTANOVE SREDNJA POSLOVNO-KOMERCIJALNA I TRGOVAČKA ŠKOLA SARAJEVO U VRIJEME EPIDEMIJE COVID - 19

1. UVOD

U skladu sa sa Naredbama Ministarstva zdravstva Kantona Sarajevo i Uputstvom o organizaciji i realizaciji odgojno-obrazovnog rada u osnovnim i srednjim školama na području Kantona Sarajevo u školskoj 2020/2021. godini Ministarstva za odgoj i obrazovanje Kantona Sarajevo broj: 11/04-34-2024-1/21 od 25.01.2021. godine, Javna ustanova Srednja poslovno-komercijalna i trgovačka škola Sarajevo utvrđuje proces rada od 01.02.2021. godine za vrijeme važenja vanrednog stanja radi nepovoljne epidemiološke situacije, te će se mijenjati uslovi, po potrebi, odnosno po novim uputstvima resornog Ministarstva.

Srednja poslovno-komercijalna i trgovačka škola Sarajevo realizovati će online nastavu za učenike I i II razreda i učenike III razreda četverogišnjih zanimanja, te redovnu nastavu za učenike III razreda trogodišnjih zanimanja i učenike IV razreda, prema važećem Rasporedu časova ove Javne ustanove za školsku 2020/2021. godinu, te poslove redovnog vođenja pedagoške dokumentacije i evidencije u skladu sa Metodologijom realizacije online nastave u Kantonu Sarajevo sa smjernicama za izradu digitalnog obrazovnog sadržaja i praćenje, vrednovanje i ocjenjivanje učenika/ca.

Online nastava će se odvijati putem online platforme koju Škola koristi za realizaciju online nastave, uz optimalnu upotrebu audio i/ili video komunikacije sa učenicima, prema instrukcijama Ministarstva za odgoj i obrazovanje Kantona Sarajevo. Redovna nastava će se odvijati u učionicama i radionicama Škole uz poštivanje Smjernica za prevenciju i kontrolu infekcije COVID-19 u osnovnim i srednjim školama izdate od Javne ustanove Zavod za javno zdravstvo Kantona Sarajevo.



Dio praktične nastave će se realizovati u školskim kabinetima prema važećem Rasporedu časova ove Javne ustanove za školsku 2020/2021. godinu, pridržavajući se preporuka Zavoda za javno zdravstvo KS i propisanih mjera od strane Kriznog štaba Ministarstva zdravstva Kantona Sarajevo.

Učenici će obavljati praktičnu nastavu u privrednim objektima /trgovinama/ sa kojima Škola ima potpisan sporazum o saradnji prema važećem Rasporedu časova ove Javne ustanove za školsku 2020/2021. godinu, pridržavajući se preporuka Zavoda za javno zdravstvo KS i propisanih mjera od strane Kriznog štaba Ministarstva zdravstva Kantona Sarajevo.

Formiran je tim za praćenje implementacije kriznog plana Javne ustanove Srednja poslovno-komercijalna i trgovačka škola Sarajevo, o čemu će isti sačiniti izvještaj u formi zapisnika, na osnovu pojedinačnih izvještaja, periodično, prema Uputstvima Ministarstva za odgoj i obrazovanje Kantona Sarajevo, do daljnjeg za vrijeme trajanja vanrednog stanja), sa kontrolnim listama u prilogu.

Ovaj Krizni plan donosi se na temelju Naredbe Kriznog štaba Ministarstva zdravstva Kantona Sarajevo i Uputstva Ministarstva za obrazovanje, nauku i mlade KS broj: 11/04-34-2024-1/21 od 25.01.2021. godine, za vrijeme od 01.02.2021. godine za period vanredne situacije izazvane nepovoljnom epidemiološkom situacijom, tokom kojeg će se pratiti proces i pravila njegove evaluacije s obrazovnog, pedagoškog i epidemijskog stajališta, te će se analizirati mogućnost izmjene istog.

2. ORGANIZACIJA RADA

U razdoblju od 01. februara 2021. godine pa do opoziva ovog Kriznog plana, nastavnici i stručni saradnici u nastavi radit će kombinovano u sjedištu škole i od kuće u uobičajenom obimu radnog vremena, a prema Rasporedu časova ove Javne ustanove.



Obveze nastavnika i stručnih saradnika su:

- osigurati kontakte i način komunikacije (virtualna učionica, telefon, viber grupe, e-mail)
- svaki dan biti dostupan na viber grupi kao u virtualnoj školskoj zbornici,
- obvezno održavanje kombinovane redovne i online nastave po grupama odvija se po usvojenom Rasporedu časova Škole,
- obvezna priprema sadržaja, održavanje komunikacije s učenicima, roditeljima, Školom i resornim Ministarstvom, te davanje povratnih informacija učenicima i roditeljima učenika,
- sudjelovanje u drugim aktivnostima prema uputi direktora Škole i resornog Ministarstva.

Stručni saradnici u nastavi, saradnici na pravnim i ekonomskim poslovima, administrativno i tehničko osoblje obavljati će svoje redovne zadatke u sjedištu Škole pridržavajući se preporuka Zavoda za javno zdravstvo KS i propisanih mjera od strane Kriznog štaba ministarstva zdravstva KS, te po potrebi radom od kuće, o čemu će se donijeti posebna odluka. Kada radnici ne obavljaju posao u mjestu rada, obvezni su rad obavljati kod kuće radnim danom u propisano radno vrijeme na način kao da rade u redovnom radnom vremenu.

U Školi će se obavljati nužni i neodgodivi poslovi: poslovi održavanja i kontrole centralnog sistema grijanja u zgradi Škole u ulici Armaganuša 29, poslovi čišćenja zgrade Škole radi provođenja mjera zaštite i sprječavanja širenja virusa, poslovi koji su neophodni radi ostvarivanja prava učenika, roditelja, radnika Škole i trećih lica, pravni i računovodstveni poslovi, te poslovi izdavanja javnih isprava i dostavljanja traženih informacija.

Sjednice stručnih organa škole kao i sastanci sa Vijećem roditelja/Vijećem učenika, roditeljski i informativni sastanci održavati će se online, izuzetno uživo u prostorijama Škole u skladu sa preporukama i smjernicama kriznih štabova u pogledu dozvoljenog broja osoba u zatvorenom prostoru.

3. KOMUNIKACIJA

Za vrijeme trajanja epidemije Sekretarijat Škole bit će otvoren za stranke od 09,00 do 14,00 sati, te će biti propisno regulisan prijem i rad sa strankama. Na web stranici Škole objavit će se upute



JU SREDNJA POSLOVNO-KOMERCIJALNA I TRGOVAČKA ŠKOLA
SARAJEVO
71000 Sarajevo, Bosna i Hercegovina
Armaganuša 29

javnosti za obraćanje elektronskim putem, te e-mail adrese i brojevi telefona putem kojih će moći ostvariti kontakt sa radnicima.

4. MJERE SIGURNOSTI

Svi radnici su odgovorni za provođenje mjera zaštite sprječavanja širenja zaraze kao i za provođenje poslova iz ovog Kriznog plana, na temelju Odluke direktora o organizaciji rada i Uputstva o mjerama prevencije širenja epidemije virusa. U vrijeme boravka u Školi radnici se obavezuju pridržavati svih preporuka Zavoda za javno zdravstvo FBiH i KS i propisanih mjera od strane Kriznog štaba ministarstva zdravstva na federalnom i kantonalnom nivou.

5. PRIMJENA KRIZNOG PLANA

Ovaj Krizni plan stupa na snagu 01.02.2021. godine i traje do opoziva istog od strane direktora ustanove, a na osnovu instrukcija resornog Ministarstva i nadležnih ustanova. Stupanjem na snagu ovog Kriznog plana prestaje da važi Krizni plan broj: 01-3-793/20 od 20.10.2020. godine.

Broj: 01-3-105/21

Sarajevo, 01.02.2021. godine

DIREKTOR

Kanita Selmanović-Kulo, prof.